


牧隱集

廿一廿之

詩



漢書門類			
一	二	七	五
九	九	一	三
號	函	架	冊

內閣文庫	
漢書	函架
一	二
五	三
九	九

內閣文庫	
番號	漢 11059
冊數	23 (16)
函號	318 160



共二十三



牧隱詩藁卷之二十

短歌行

惟先王日之昇臣用對策初飛騰明年京師適會
 試借計不知霜雪凝名從黃金榜中列足向白玉堂
 上登爛兮萬花谷清兮一段冰群英森立有如此我
 獨傲倖非真能斷絕流汗雖幸免弄璋錯常服膺
 歸來東海卧不起歲鋒歛鎬忘驕矜方將寂寞送日
 月主恩不次班高升久而自然成碌碌還為吾
 輩憎我實無心歷吾輩之自退如利蠅如今卧病
 起又豈不復與鶴軒中乘爭名者絕笑者止淡如古



升方承澄田思舊游登一歎華下忽尔風雷興

九月晦日携八句詩訪藉田韓上黨別墅

一病憊三今幾年忽聞秋盡竟茫然可人政在桑邨
外匹馬相尋菊酒邊幸是此心忘物我更從何處覓
神仙往來邂逅誠難事特地敲門解倒懸
四分之一是明年數日乖離已惘然障撤自知無內
外蜜甜誰復辨中邊文章未必皆邦傑山野由來即
地仙匹馬出游非好事暫時相對慰懸

途中

寂寞誰相語蕭條我獨游天高青嶂日野闊白雲秋

一水橫人背三峰直馬頭松光浮小嶺想見吉昌樓

題上黨別墅

吉昌池上岸細路曲綠山縱在垣墻外真同咫尺間
袖風松下坐鞋露月中還隙地如容下他年着我閑
太平真氣像上黨寫來新稻積人初歇門無犬亦馴
壁泥乾未透庭草茂相因柳浦是何處烟波應岸巾
醜池峰頭小立

天地高低日月明醜池峰上李先生悠然獨立舒長
嘯誰識一憂時一寸情

故宮疎木葉全無木下人家半露隅聞說慶陵曾駐

蹕至今破礎沒寒蕪
平野中橫獨葉山誰知天錄是天慳移都自古稱非
易豈在九庸耳目間

歸途望天磨諸山

左手群山秀氣長我冠奉笏向明堂扶持王國終儒
術欲頌中興如大唐

明日題一首

高游頗蕭洒行色盡難如自擬群於鳥誰知我與魚
泛山扶社稷身世似蘧蒚半日悠興晨興尚有餘
又吟

江山秋色鴈橫天匹馬孤吟骨欲仙自驗正心方未
熟夢餘行處尚森然

冬初

冬初寒乍至晨起比前遲汲之如公事悠之賦野詩
黃花猶古態碧嶂有新姿賴是忘情境蓬頭懶更文
蓮花池孫氏所居

蓮花池上碧山前孫氏遺居草接天一曲驅江入吾
手乞身何患坐無氈

有感

子弄父兵罪猶濇投鼠忌器言可繹鶴鳴如臯聲聞

天白日直照吾心赤膚受之諸誤人易失脚懸崖才
咫尺人生舉趾莫倉卒一跌能令所守易上天下澤
履者象民志定時民致力路馬由來不敢齒與甲誰
能逐君側蟻穴可空千丈堤燭火可破千年黑詩書
有力誰得知白髮老翁心惻

久坐

久坐不禁肌骨酸踏來酸止未全安強拈敗筆題新
句忽值高軒拭小盤墻下菊花黃更嫩屋頭松樹碧
仍寒病軀敢道非天意要識世間行路難

晨興

日生天地闢塵起里巷喧共被年光促誰知夜氣在
夢中猶擾二分外儘奔靜坐清明處祇從長掩門
夜眠尤骨痛曉起尚心驚豈有如疇昔而能久此生
呼燈排悶急倚壁賦詩成小婢最嗔恚踏肌難始鳴
哀我此老物苦痛有誰知又病廢醫藥早年聞禮詩
吟哦心自草應接艱難施霜露日悽惻德三吾道衰
趙鈞求為膳官又求免
求官求免詩便安縱是其豪志甚難不惜為渠書數
字相公尊重敢相干

紀事

沔州近海是倭塲田賦年乘之盡荒我有蒼頭久棲
息今垂白髮欲流亡興情味減更何開戶口盛衰尤
可傷謾說小人懷土耳時歌頑鼠嘆境長

自詠

天地之間獨我窮何曾義理積善躬閉門不欲聞新
事落筆無端賦古風物色自寬詩格窘道情終薄世
緣濃明窓清曉焚香坐一段功夫在靜中

自詠

吾道砥平吾獨行青天白日照人明唐虞禮樂分官
守孔孟詩書達性情化惡鱗魚從海徙君和鳳鳥在

岡鳴一家位育誰能識夜氣存時樂自生

冬初稍寒因憶山寺

千山鳥絕雪漫空萬壑龍吟風入松石壁僧房香火
冷半聽朝日坐高春

曉霧

曉霧沉城郭家人報我知蒙頭坐不出病眼翳難醫
隱約巖深谷飛禽失故枝少行多卧處只合詠新詩

祖師宗派圖

拈花垂一派立雪反三隅過去佛猶在未來人有餘
生居天子位死載祖師圖只得心無累

日出

霧沉方鬱日出又欣嶽瀆初難辨毫釐漸可分
相思隔雲樹有意獻暄芹歲月不吾與渺然

題烟蘿子齋

屈伸俯仰如機閑支體汗流搖肺肝我輩養身非甚
艱食無求飽居無安似是之非辨豈難義理血氣初
兩端誰教我骨多辛酸最喜日月双跳丸双跳丸迭
往還何人長存天地間

獨吟

獨吟真適意寡欲可存心黃葉風霜急白雲丘壑深

是非誰定奪衰老自侵尋乞退非難事天知耿心

宅主喜寶蓋而歸

寶蓋當年為世尊威靈變化浩難言不張一柄非他
事為作人萬福原

百寶莊嚴遍大千魏二功德自無邊誰知一點圓明
處迴脫人天有漏緣

妙圓空寂自堂凡聖同歸一道場縱不雪中入新
臂已無心更向蕭梁

夜雨大作呼燈賦此

冬雨如春雨簷聲夢忽回呼燈發幽興把筆愧微才

寂之連禪榻茫茫接釣臺記曾觀冷袖舞殿已塵埃

絕句

風號雨滴夜悠々一點青燈對白頭恰似光岩禪榻
畔松聲蕭瑟滿山秋

曉起

夜雨燈殘吟不眠曉來雪色遍山川今年又負驪江
約蓑笠孤舟墮渺然

蒼髮玉筋冷生光只是冬初不甚長白日正由應百
落老翁深坐凍詩腸

我夢仙官顧我慵玉京風月不勝寒三生吟嘯難磨

盡滴露研朱染筆端

人情宛轉儘經營深距還憂却失平把筆時書尺
牘只緣中外有門生

風聲動地碧天高樹上何入更掛點寒耳已忘浮世
事靜中遐想鳳飄々

聲入心通我敢希欲分形色尚掃後漢皇一曲留豐
沛坐想大風雲自飛

驪興行色尚遲々只為光岩墮泪碑見說數行今可
刻浩然歸志泮水時

白雲飛下是松楸夢裏流光以轉頭萬里海門烽火

絕不知何日得歸付

龍化池邊遠市塵年三夏涼欲復茵須知伯仲相傳
意只惜蓮花易主人

當日相從半古人悠悠世事近來新吾家冷淡依前
甚掃盡悲歡一味真

風勢闌時夜更寒燈前兒女坐成團英村樂育詩書
圃星命頗尋天地盤

要妙古猶賡白雪遐荒今亦出丹矸知音未必皆相
會山海千重行路難

曉吟

癸方劇夢初殘疇昔深嘆大肥酸久信此身業業
苦更憐斯世本多艱神公共託齊人詐富貴無輕范
叔寒幸得坐忘為樂事滿旆朝日喜浮顏
漁洗乾坤絕點塵青天白日照蕃紳反觀曾記庭前
草請祝唯憑海上椿心地功夫磨似鏡詩家材料積
如新病中又見蒼水墜凍筆拈來語有神

沁南 進獻使李宰相知官故有宰相批稿與

韓簽書以

玄陵碑故皆復舊職明當謝 恩有感發詠
以小事大禮之常慎終追遠孝之薦 九重宣麻一

朝下大平和氣浮暘谷李公忠直動前朝為國駭浪
浮輕橈靈臺皎二貫日月進荷寵豈非幸傲愧我文
童強浦綴病餘氣弱精華凋上堂黑筆力却添花龜趺
數尺明烟霞廟堂深感先王恩愈久愈遠誠弥加
迺曰數年不畢刻只為四境多兵戈吐哺握髮屈群
策仰思待旦永終夕三人同拜儒者榮病後光華臣
喜趨 玄陵政堂幾人存九年再拜真殊恩臣初聞
命筆以歌上祝 聖壽同軌坤

自詠

東帶趨朝爛有光行人屬目共商量雖然白髮顏

甚似是當年李政堂
今日朝廷登峻良拾遺起廢溢班行眼睛閃爍身仍
短必是當年李政堂
回首蒼梧轉渺茫拾提金碧淨生香觀碑慎勿忘二
過一箇前朝李政堂

肅拜

聖主如天萬物春冬間苦李發榮晨不時只恐書災
異無實深慚歷摺紳陵室漢唐難比擬經筵堯舜政
敷陳雖然省院多新進盛德何曾改 父臣

光岩途中

兩箇詞臣荷異恩黃裾引道出官門直趨陵下成
雙拜輶入庭中接一言文體生疎意難盡筆鋒端正
勢何尊誰知異日派名處松下卧碑生藓痕

夜歸困卧曉起二首

謾負讀殘書五車迺來方覺腹空虛苦心耿二閨
蟻陳迹團團學磨驢出岫片雲天浩蕩半牕初日
扶疎微吟偶得悠然處還笏何時返故廬
出日團團海上天鵲峰高峙壓雲烟封疆橫亘三千
里宗社綿延億萬年獨喜老衰蒙異渥共瞻豪傑滿
華聯由來隴蜀心中地只賴忘機自坦然

具冠帶行礼合坐

九年憂病苦相煎黃紙功名墮渺然豈意一朝霑茂
又從兩府躡華聯風涵翠幕褰天宇日映金杯灑
酒泉默數同僚無幾箇白頭情態亦堪憐

是日扈

駕移御永安宮故室臣柳方啓田宅
日行躔可攷天運象恒垂發政須相體移居自有時
龍巒承顧眄鳳曆願扶持大禮修王觀非平更不疑
是日監封入貢物色

至晚

太后謹妃移御

蠟炬如星萬點光天街夜色政蒼蒼
程軒有爛徐來下文母前身是邑姜

合坐寶源庫二故政丞韓公諱渥故宅

先王所嘗御而稽初拜密直處也今十七年矣

復來合坐於此有感于懷吟成一首

邊報頻三動海隅歲闌臣稽拜鴻樞當時氣焰歷諸
子今日官階無大夫再任政堂非獨我後來縫掖或
猶吾鼎湖龍去鳥跡墜誰識乾坤一腐儒

進賀禹政堂方酌我吳密直來因飲教盃既

醉入謁禹四室醇酒索茶及晚而歸

白髮微酣興自長退朝歸路淨生光誰知吾輩風流
處老政堂過少政堂

承宣每辦院官筵黑笠吳公出錦纏今日一確真解

返人生聚散惚閔天

北崖深處禹平章新得分茅荷寵光入賀莫嘆遲大
甚我冷依舊赴朝忙

光岩歌

光岩照天子文餘參差金碧鳴鍾魚群臣瀝血奉三
寶上祝玄陵生淨居買來中原一片石鑄功永示

齊黃輿誰知名實巧相稱製文二學書簽書他年陸
淚且不問洞壑寂二人稀疎司夫基臣下地日同穴
密語 宣傳初當時臣穡禾提點十有五載長款
石可爛兮山可崩淚眼不枯如尾閭

宰樞所考閱進獻馬

天子威加東海隅奚官考閱進名駒眼光的歷如星
墜骨相權奇絕代無已信儲精來月窟行看弄影踏
天衢九方臯術誰傳得縮手傍觀愧庶儒

自詠

任重真如蚘負山古來吾道欲傳難時行時止分毫

際何日得教方寸寬

無數白雲無數山欲歸何處更云難只緣方寸不容

物獨立那知天地寬

淵明採菊望南山笑煞世間行路難入室幸我仍有

酒自來容膝心云寬

十月十三日判密直裴公奏用半夜發程宰

樞將餞行左侍中追不及獨田穡於十川路

上遇侍中回至合坐所吟成一首

王覲尤當慎威臨咫尺間朝天心自迫祖道禮堪剛

恩重身如葉邦寧勢似山宵正駟程遠步、向鐵鉉

宰樞設讌稱觴上

壽賀新宮上

新宮密迩永安宮俯視閭閻面勢雄再拜壽觴志滿
座半懸仙樂月臨峰太平有象從容甚垂老無心寵
渥豐數日書筵叨侍講賜來三味照諸公

夜歸

一朵瓊花壓帽簷婆娑弄影有銀蟾歸來門戶清如
水又是憂民范仲淹

合坐將散有雨

詩中先出散諸公微雨隨風乍映空馳馬歸來是鹿院

靜數杯傾盡面浮紅

日晚代裴公作

日晚雨方急夜深風又鳴青燈照半壁几坐難為情
行人奉國命萬里初起程朝窓眇無夢始覺身為輕
身輕不足惜恐累吾君明

曉詠

夜來雨氣龍燈光曉起簷聲滿草堂陽月嬾無行既
望陰精有蝕是惟常王風禮樂何蕭索客枕空山自
渺茫今古達人輕出處只如吾輩謾顛狂

十五日午後日光穿漏南窓明甚

日光穿漏雨疎三
影初分興有餘
忽被吏人求
者字向東清境墮空虛

人境俱忘一味真
更從何處覓
塵誰知接物還
如鏡形影相交百態新

無分發獨坐詠懷

有意趨朝早整冠
門無分發欲行難
一燈花落風聲急
四野雲低曉氣寒
豈惜丹青供黼黻
尚驚閭闔叫琅玕
病餘所願安身耳
時把幽懷寄筆端

上色答書來

先生投狀懶趨衙
上色回書細似沙
對坐鏡中騎鶴帶

雪拆開牕下眼生
花都堂禮教同而異
案牘行移整復斜
尚喜規模存大體
政堪踈足運亨嘉

昨携酒謝魚判書
兼煖房其鄰禹政堂
又以法酒紫鱗來飲於藥室
入夜而歸

携酒殘年謝再生
煖房善禱表中情
虛明藥室分群物
吞吐燈光照二更
聲振栢臺風采秀
影歸柳洞月華清
人間會合非徒爾
一醉陶然萬事輕

明日晚歸魚公携酒來餉泥醉狂吟

我生何恨病叢身
醫老相過酒湍茵
大醉肯嫌多亂語
殘年只合謝明神
南山松風聲急東嶺雲
以月

色新自笑歸來還痛飲燈花半吐座添春

迎賓館樓上進獻使李評理以詩留別宰

樞次韻拜送

莫封千里太平年事大忠心誓永有莫憚馳驅山海
遠近來將命屬儒先

判三司與諸將擊獸以助餞宴

羽林騎士擁將軍馳入山林麋鹿群一發五殺何更
問樓中歌以過行雲

睦二相與諸元帥發行予以脚無方不能騎

關於拜送獨吟二首

睦相威稜始丙申忠肝義膽動朝臣自言垂老更

戰誰識行年今士尚父鷹揚專節制將軍虎鬪奮

精神白頭牧隱難騎馬帳望無由拜路塵

搏桑國界我東邊利見臺高控海天聞說黃龍曾躍

日派傳白雉幾經年島夷竊發誰能遏國主羈囚自

失權執命陪臣三世耳蒼々運化亦昭然

有感

變禮當危急陳情恃聖明豈容生異議祇欲達微誠

夏益文成表冬初使獲程病餘心力短措目擊赤丘

文母膺眉壽專心事大明含章修內職遇變表中誠

入告雖遲晚權宜有法程
天聰如一悟躋足海波平

即事

上林深處五雲濃龍壽山光滿眼中時聽呼鷹鳥聲正
急颯然萬里起長風

廟堂無事酒杯深沐沐歸來獨自吟忽聽山中毛穎
語老衰區畫不如心

世事人情揔可知偶然題出二篇詩江山日落歲三
暮天地自來無少私

曉吟

家僮懶起馬無葛伏沐停朝暫輟趨作頌政當歌
聖主著論寧復命潛夫爐灰漸冷吟猶苦總日微溫
病歎蘇最喜龍巖擁門外雲烟相對坐如株

從東亭求梨

直講緋衫照八閩筵前平桂積如山太平風來森如
昨二十餘年一夢間

記我囊空無一錢也曾隨分辦茲筵只緣朋友多相
助况是當時大有年

豚犬今年忝侍臣妻家破碎父家貧朝來告語奈酸
楊欲免尊前汗洽身

十四

有感 宰樞各出律當一名助戰僕無可公者
平生無澤及姻親倉卒何人願代身况是戰場為死
地可知同室與比鄰中年疾病徒嘗藥末路功名似
積薪回首光岩烟日暗暫時榮寵鼻酸辛
五更夢斷感生涯兀坐呼燈筆墨隨兩眼昏花難寫
字一心冰炭且題詩掛帆蒼海有時濟對酒碧山終
日思畢竟亡羊堪冷笑只怪二處辨微危
吟風弄月是生涯得謗由来名不隨未有全篇可傳
世徒解押韻豈為詩流觀或復參佳處偶得誰知勝
苦思異日肯嫌成野史祇今無意管安危

松山

百二山河擁鵠峰肩輿直上八山宮南江明甚西江
暗咫尺陰晴自不同
川上星壇迥接天沙根蓮宇冷無烟當時百拜身無
汗今日扶輿亦可憐

東門合坐餞曹五宰樞左使相視檜岩山水
天寶山前號奧區人言此地儘膏腴兩江襟抱儲風
氣列嶽盤旋護國都自古有書名六錄在今何處
三蘇由来運世皆神授莫把丹青強作圖

代書奉荅法來

應間多病客山後數行書風雪吟應苦峰巒盡不如
村墟森淨土香火冷精廬僧錄終相制歸來莫大疎

檜岩

木覓東方秀氣中檜岩蒼翠倚晴空朝廷若是行仁
政禮樂終然復古風日月明臨佛殿軋坤蕩繞
王宮白頭文學年來壁欲賦甘泉筆力窮

曉吟

酸方劇夜添籌早起朝天雪滿頭待漏宮門心
秋揮毫詩句興慙三蒼梧烟日空瞻望紫陌風塵謾
滯留報了國恩方乞退定應江漢亦西流

謁廉侍中因過夷亭

白首遨遊父子間韓山牧老儘清閑鵲峰龍岫光相
接偶得新詩喜溢顏

百歲光陰醉夢間幾人能得暫時閑江山萬疊迷歸
路坐對屏風汗我顏

臺忽雖迷義利間終教大德不踰閑醉中得喪俱忘
了謾道洪爐帝鑄顏

無分發

曉霧難分色木冰將具形苦心思白日極日向青冥
萬物含和氣群材簇大庭太平如可致吾亦歿吾寧

百里半九十誰知行路難殘年重入省舊識或彈冠
鐵硯堪消日毛衣足禦寒平生知守節不必佩秋蘭
陋巷將窮歲高軒輅發茶家貧蕪市遠學退但年加
山色初含雪風聲欲捲沙通身流愧汗白髮向東華
建興

天地無窮方寸心身如海粟任浮沉誰知大極元無
二寄向詩篇細細吟

曉吟

雪消簷溜滴燈前疑是潑雨漏天自恹冬間泥路
滑白頭冠帶向朝聯

女直千戶差官將謁合坐所僕以身因先出
途中一首

女直差官謁廟堂公人供具酒生香天陰病骨偏酸
痛不得送客共一嘗

韓菴書將行

玄陵廟祭來過陋巷

橋山拜三衆經春朔望行香逐月新禮備青文感神
道銘陳功德示臣鄰舞仙峰下瀦派水獅子林間絕
點塵起取鍾磬三獻畢纔傾福酒便醺身

賜給田納

玄陵顧堂廣通普濟寺

叨持文墨佐

玄陵館閣都堂不次升
螢燭增輝酬大造山河誓
冊記微能報恩田土施
三寶學道撰闕非二乘
更願居僧躰吾意壽吾君
上福黎烝

曉吟

光境宜閑適清時用閑迂
鄉人通信字朝馬踏亭
鶻霧重群峰隱天低一鴈
呼吟詩足幽味淡泊勝膏
腴

有感

流年衰之選居諸白髮儒生
卧草廬剝去昔曾餘碩

果復來今可見潛虛春生祇在堅冰內陽動方知天
極初消長有時須自疆直教和氣滿堪輿

李判事元弼商量公事

白髮孤臣抱赤心獨携刀葉惜分陰休從收隱谷公
事廊廟群賢立似林

黑髮吾曾忝宰官大疑獨決亦無難病餘心力消磨
盡肉食深慙似素食

日午群陰尚不開虛堂四面澁蒼苔老翁獨坐無事
饋對客何從舉酒盃

女直千戶差來官進獻土物

上出御花園八角殿受其禮

國史聯書東女真歲輸方物遠來賓一心慕化向松
岳八角受朝鋪錦茵重譯懽然無擁蔽獨行又吳備
艱辛交鄰有道時無事日照林亭近小春

昨承差為權立使洗塵適司平巡衛府邀曾
五宰及權公大作樂設宴馳使者邊僕入夜
甚懽恐酒多逃出速曉猶醉吟成一首

胥原重事屬賢臣分命都堂為洗塵豈意會同飛玉
竿更教歌舞擁文茵夜深銀燭紅粧亂風動瓊花白
髮新逃酒歸來如夢裏欲追情興已非真

合坐以酒困先出

大醉情何縱初醒躄更疲坐朝難自在請假儘委地
陶令辭彭澤山公倒接籬吾師定誰是且看未歸時
合坐入奏請停冬至賀禮

朝退

天統方開子陽生又小春閑閑思順帝卻表恐勞民
謹始由明主保和存大臣苟能推測隱邦舊命維新
退朝南嶺上崔嵬脚底群峰活畫開馬邑去程明可
數白頭奔走亦何哉

獨坐

翺翺騷騷目愁胡兀坐真同待兔株忽得好詩舒一
爾浩然歸興滿江湖

豆粥

冬至御風豆粥濃盈三翠鉢色浮空調來崖蜜派喉
吻洗盡陰邪潤腹中

天淨閣閣曉色濃小娥梳洗淡粧紅家二相送或風

俗白髮衰翁樂在中

閉戶深藏道味濃胚胎百紫與千紅只從平日能涵

泳天地元氣出靜中

與諸公携酒訂

判三司煖房也

判三司事大功臣凜三威風動指紳袂嶺南崖盤詰

曲清城故宅簪嶙峋園林未必長無主土地由來自

有神老我隨行斟壽酒溢陽千古接芳鄰

是日有雨

雨細無聲路滑泥酒壺今日為公提策衣濕盡歸來

晚柳洞雲深難欲栖

初七日

上幸新京臣穡留司以病不能望

行色俯伏吟哦因成一首

上心仁孝自誠明欲踐先王卜洛行故向新京訪遺

迹由東勝地匪虛名山形端小如扶素水勢縈紆接
禮城當日侍臣今有幾留司老病一書生

是日正午日光穿漏西南始晴

行幸之際鷹犬效才

天顏怡懌蓋可想也臣穡以病留司又不能出

門獨坐有感

謾抱奇才賦子虛却因多病卧吾廬日光穿漏陰將
散山色分明霧已除鷹與鷓鴣落雲漢犬從狐兔滿

郊墟六飛小駐

天顏喜珂筆何人得大書

瑞谷吟

昌和之北山如圍松澗瑞谷成翠微其由數畝浮園
宮蕭然香火鐘磬稀新京攻位未云畢鐵城兄弟吾
相依三人談笑更促膝夜坐往々迎朝暉當時風流
可想見虎略文才同氣撥仲氏陣亡世所駭季氏病
歿誰與歸散材獨登知命年再承異渥開黃扉雖然
病久亦無害奈何尚不尋魚磯鼎湖弓墜天荒幸
我 聖上方垂衣

臣穡骨酸艱於騎馬伏想

行幸將旋無由迎謁道左悵然吟成一首

城南一夜問如何已遣都人望翠華多病心臣吟卧
榻少年諸將擁行窩巧露衫袖冬天雪爛映笙簫春
日花欲識太平真氣像也年七德舞仍歌春日花用
南京別曲

至午雪作

羽旄鍾鼓擁行宮喜色欣三內外同騰六有神應降
格時看舞鶴滿長空

翠席垂門一畝宮獨吟高興有誰同似聞清蹕滿山
下龍首蕊龍映碧空

鄒國當年入雪宮獨陳堯舜首雷同可憐老牧工超
俗腹裏詩書已已空

腰酸縮坐

天陰病骨劇酸辛摩挫長教小婢喚未而近郊躬接
駕聊從陋巷頂無巾陳雲古樹風聲絕小雪空村夜
色新獨坐獨吟情不盡廟堂高處政憂民

天陰獨吟

陰黑乾坤小清明志氣豪憂時深到骨體道細如毛
野外風初定雲間日已高漸知雙目暗無復折秋毫
省院臺閣詰院閱樂毬庭承宣奉命後至
侍臣北面以迎承宣欲其出幕外侍臣曰我
輩亦奉命理難出迎於是承宣至有復

命不入者如金左使之為承宣日是已其後
玄陵有旨宰相亦迎承宣况侍臣乎今吾兒種

德忝命而去未知今日又何如也

越庭南畔草廠長閱樂群臣爛有光禮數謹嚴皆奉
命班行肅穆欲生香明知法制隨時異共說權綱比
舊強小夫所由和家貴莫爭分寸氣揚二

間咸陽大姨夫閔判事家為倭奴所劫

咸陽小縣亂山深海遠懸崖更萬尋冠似疾雷難掩
耳身如傷鳥尚驚心谷中頓覺無烟火歲抄那堪窘
雨陰幸有二郎能綵舞遙知喜泪已霑襟

種學以待臣具冠帶隨行閱樂

越庭境淨入臺齊競技呈才似猾稽豚犬隨行參閱
樂紫羅朝服帶文犀

十二月十二日上官郎舍設酒食微醺入剗
字房書奏狀謝

恩肅拜退謁兩侍中又飲大醉而歸

向疑重來登省堂不才僥倖汗翻漿謝恩再拜誠
跡激乘興孤吟趣自長冢宰深杯如海大先生小器
便風狂醒時落月低牕戶一段憂民不敢忘

薦李伯由之父

完山李氏名伯由父子孝情有餘裕子焉辟職榮其
父之欲 參慰其母一家蔚然敷孝讓何患乎李財
不事韓山牧隱領史事禮俗之興操華族完山有紙
關且長我欲盡涅烏可已

浮階習儀身困不能與

千官爛醉具朝衣欲向毬庭習禮歸白髮政堂方困

卧松山曉色已熹微

主恩當日記微才每向毬庭習禮田外酒陶然醺骨
髓夕陽聯騎好歸來

海東千古太平年子日陳儀示奉天井辰陽生真一

線扶持直欲到純乾

種學設小會日詰院酒食

外制進隨臺省班近前分立整衣冠由來地禁禁
盛始信家貧素食難請二慶雲籠殿閣曛二瑞日照
杯盤大觀樓下東西拜酒氣頌教壓曉寒

自詠

記得當年醉似泥紛二闌入自廊西臺臣設把公緘
送已見中門奏事齊

侍臣前道後承宣猴兔聯馳正八年密直三司仍代
匱行逢白豕病纏綿

病衰封君愧素餐政堂重拜喜浮顏誰教兩脚猶無力坐想鈎陳玄武間

浮堦賀禮

大唱毬庭拜舞與宰臣斟酒祝岡陵諸臺振吼公郎入兩部鏗鏘和氣凝已信風雲方會合故教日月更恒升太平有像誰能畫欲志朝儀愧不能

得法泉大師詩有已去皆無益將來亦可知之句雖其自道實獲我心僕自登名于朝儀律至老田示所為無絲毫上補

國恩一旦身先朝露則其遺莫將如何哉輒用

其韵以述所懷 宗林

高僧方重道小子政趨時學力慚無補禪心在不思觸撥應自得弄筆欲誰知何日如雲影隨風止所之

大會日夜歸

清晨奉藥對郎廳一啜真堪養性靈不怕中書能勸酒閣門催入大觀庭

政堂文學省磨廳雜坐平章荷寵靈更向八閔親獻壽白頭風彩滿毬庭

懷橘簪花賜飯廳從知德澤酌生靈千官飲福還家去只有銀蟾照廣庭

曉吟

八閩兩會盛威儀一點文星近紫微困卧忽驚雞又
唱不知身世夢耶非

曲城崇原兩侍中訪西鄰吉昌公二使其外
孫韓尚書招僕二方困不能赴

越庭大會押朝班身困深憂跪拜難况是初筵方有
秩寧容隔坐却求安古今三達尊為貴天地一儒生
甚酸高會未陪如自失倚牕終日整衣冠

恭惟我

太祖置八閩兩會禾知所本或曰載於珠琳傳

閩八邪也明日雪喜而有作

佛殿神臺一瓣香釀成和氣涵玄黃故教飛雪知時
節已見豐年兆吉祥銀海無涯波起伏瓊花到處朶
低昂欲添樂府傳來世誰道昌辰僅小康

得寧越書

四面崔嵬擁郡齋每因馳傳過忠槐不須更向江湖
去烽火連天照斷崖

曉吟

滿認朝日室中明肝膽輪囷尚不平把筆縱橫隨意
掃快如秋韋碧天晴

越庭兩會困趨班三日停朝禮制寬且問感恩誰寂
甚病餘腰脚尚微酸

白雲青嶂滿屏風變化陰晴咫尺中自愧幻身相對
坐澹然難覓主人翁

法來面見訪

冲冬十八法來二

虛堂一笑開山北松風聞夜

雪城南芋火畫寒灰凌空每羨公飛錫就海多慚我
執杯鑿壁開窓可一一藏身何必入崔嵬

松葉

松葉隨風落端山稚童拾向夕陽還牧翁却作重

用煖氣傲生衽席間

謁左侍中飲次謁三宰謝種學八閨肉又飲

謁四宰謝如前又飲皆與韓簽書偕將還也

簽書定親新宅分轡而去獨歸途中有詠

牧翁扶病謁公候到處杯盤被挽留肥肉溢脂如桂
齋香醪醺骨儘風流青天蕩臨金穴白髮蕭蕭
玉樓愛子深情難自己孝親昏定不能休

無分發

清曉衰翁不可風幸無分發睡方濃西鄰來問起朝
舌驚起南牕日色紅

偶題

白米純糕板大肥
潔精真可饗神祇
端如膳肉尊卑
共丐福歸來笑語時

雪

飛雪庭中數點來
已消冬煖百邪摧
陽和密塞重重
底草木何時甲拆開

江天何處可披蓑
一曲黃驃入短歌
誰訪留時數
安道子獸終歲老奔波

昨鄭判書達可李正尹光輔
權判事希顏李謙議子安李三司
浩然各携肉食來餉熏然

懽甚而去夢餘明月滿
牕吟成一首

人世紛紛儘謬悠
天教我董擅風流一尊相對情無
幾萬事都忘境自幽
雪落肯憂成酒困月明還訝惹
詩愁依然興味難容說况是吾生已白頭

贈光輔

客游東國思悠々
自負當時第一流
詩酒追隨盡豪傑
風花比興更清幽
懶談碧玉畏招謗
閑捻紫蕭吹散愁
豈不懷歸身已老
鄉山縹緲海西頭

安菴書作同年會
僕與狀元易菴公任右尹
赴席李知部不至
醉歸吟成二首

九十餘人今幾人松堂羯鼓化為塵盍簪只有蒼書
宅為謝昌和土地神

急管繁絃擁主人舞衫歌扇動香塵題詩欲當纏頭
錦下筆何曾如有神

戲李知部

詔牒如山欲歷人紛紛告訖馬蹄塵有時抵掌談兵
去肯怕高冠似鬼神

無名叢

事散今日得閑居且復焚香讀古書快意更參箋註
外洗心元在氣機餘山光排闥含微雪日色當牕轉

大虛分發不來深坐好浮生偶得愛吾廬

酒困終朝懶出門兀然危坐更忘言
樂絃管猶驚夢裏喧
天原龍齋當戶分明甚心似寒灰不復溫

過庭馬至

病餘承寵押群賢獻壽浮堦寶座前
馬真堪鳳躍九重天

世無相馬九方賢萬疋徒然在眼前
步不愁泥滑每朝天

朝無不肖野無賢誰道衣冠不及前
老云更騎須賜

馬明之白日照青天

文密直見訪言 忠定朝事

天道由來非智能可憐齊仲與唐徵先岩宗實無人
迹誰教當年一箇僧

崔司公東賀復職名公希

辛丑紅軍勢甚狂司公鼓勇聞都堂代波可用寧終
退夫樹無言儘可方頗愧老主身尚病漸如降將氣
難揚天寒更向虛廳坐恨殺貧無斗酒藏

宗伯洪尚書見訪

德山村主起家門崇極遷生反鑑孫安社功臣當有

後堂評自古是公言

壽坐陽城
為安社功臣

判書虎金理問久往携酒見訪

判書東國秀理問北庭官晉字近來少漢音令寂難
煩之過里巷款之置杯盤喜甚寧辭飲唯嫌掣電歡

有感

恩義兼豐有幾人南陽宅相冠群臣保安解厄玄機

妙水陸香烟遍剎塵

自注左侍中設
太后解厄水陸齋

合坐小酌僕以病不敢飲

侍中不出宰臣稀庭院寒之日色微知印滿前將進
酒先生猶帶宿醒歸

韓政堂以美食助種學誥院酒席僕謝不即
謝又蒙勸飲固辭啜苗香湯
誰誥院快初嘗自道恩門不可忘
寂恨宿醒猶未解獨呼茗飲啜苗香

日城君 思道 挽詞

而立之年試席開老來文學近三台
春來和氣難藏得時對明生舉酒杯
學一將軍勢絕倫謝篇韓載兩兼身
南明丹旄風吹急又是英才減一人
壽夭窮通有彼蒼由來隴蜀滿中腸
年過二十官洪

葬得似先生也不妨

即事

病骨深憂應對繁日高危坐政忘言
清晨送殯慈恩釋求跋金經叩我門

左侍中請撰水陸並疏語

四六平生下筆難當年誥院被譏彈
何曾覓對渾無迹到得成章欲吐肝
海屋添籌如岳峙邦基垂統似盤安
侍中用意由來少功業巍然冠九韓

昨夜庚申熟睡達旦

里巷相邀共設筵
稟由祕法問誰傳
病中禍福都忘

了慰罷酸腰達旦眠

奉寄韓弘同年戲作

讓則有餘知厚意貧而無新
一殘生何時相與忘言
坐依舊東山月色明

謝寧海金三司先送乾梨

酸話雋味得乾梨
老火餘生付小詩
路遠相尋唯是
夢觀魚甚下月明時

謝任同年携酒見訪

平野池塘好結廬
忘機終日樂觀魚
秋來稻熟香
皁客裏新嘗似惠餘

聖樞 門意可知再游廊廟果為誰
魏王大飽君家

物更向遠前作酒池

柳巷門生開酒席
賀公重拜簽書也
僕與廉

東亭承招赴席
天台判事懶
殘子亦被請而

至坐談妙蓮三
截時事壹二
不已醉中間之

樂其有舊俗遺風
既醒錄之

丁亥門生一世雄
得傳衣鉢獨韓公
自憐牛馬走衰

甚每向尊前雙頰紅

大乘蓮花表佛心
東亭風彩照儒林
清城玉笋森相

映七字新聯可醉吟

三藏風儀照妙蓮
齋書盤句動賓筵
當時富貴傾豪傑
共道前身是義天

無分發

早起趨衙是故常
幸無分發卧文房
天光屋漏朝吟苦
物色詩聯野興忙
膈月梅花將欲動
歲寒松樹自難藏
五更丹鳳門前路
坐想當年刻漏長
檢才無實寵非常
足矣封留一子房
自喜升平詠勤苦
誰教踈懶亦奔忙
興來送客游天壽
朝罷尋僧到地藏
雪落柴門更危坐
刻溪回首碧空長

有感 時吏翰議科日事

取人難似養人難
本末還須子細看
羨玉良金誰不識
浮花浪蘂謾相干
斯文共荷玄陵澤
舉世皆驚白屋寒
天運悠悠終可必
只無私處且心寬

君子

君子立於獨群居常湛然
誰投膠與漆嫌隙還涵天
周詩歌鳥聲求友何其賢
敢告我同輩勉旃仍勉旃
君子志其大達可天下行
口腹豈曰小於道斯為輕
所以不去信彞倫如日明
敢告我同輩閑邪且存誠
君子和為貴其心非殉人
金石衆音異克諧無奪倫
皦如繹如也至順通明神
敢告我同輩皆為斯歸真

奉懷江陵崔相國

江陵郡望是清河綠野開堂古不多當世流傳三口
實老年行止一頭隨寒之蕭寺月中澗渺之蓬山天
際波甚欲東游陪杖履奈何心事自蹉跎

即事

莫把阿膠投濁流瑠璃瓦藥付螺鷺本來清淨身無
累何處纖塵得暫留

合坐

遷紱紛之南北來廟堂高處且深杯真同安石圍棋
日雁量行如小有才

四海一家天下平山耕澗飲是蒼生鴨江豈限人
去兩岸如今屬之明定直清催發流移之

吾友鄭可宗以內府畵令召至得三司祿
則封倉後故不得受祿持牌求子語因題小
詩以與之

子因將老碧山崖束帛歸來賜祿牌遲命避賢
事不須從此卷而懷

雪

晴昔星光淌碧石天曉來飛雪暗山川欲爭玉屑
榻已作瑤臺擁酒筵頰上雙紅浮喜氣膈前三白頰

豐年不愁凍華難書字牧老高吟又一篇

自詠

老境閑忙半幽居坐卧便文風應已矣心事自嗚然
雀啅落簷雪雞鳴生棟烟懶朝非傲世靜裏祝堯年
我尚留京輦誰曾向海山力微難負重病久可求閑
風月詩篇裏光陰藥餌間有懷徒耿々何日乞身還
牧翁吟嘯處歲月似飛梭衰氣由來少衰鬢漸不多
青雲非我志白雪為誰歌
三尚簷短悠然更一哦

鴈月初五日

忠穆王忌晨也設齋龜山寺宰樞入真殿庭

下肅拜而返臣稽首有感

當日從龍霸二雲二平章是我先君中興禮樂斯為
盛宗實龜山幾夕睡

溪水無聲雪壓松紫霞真境勢重二龜山鍾磬周年
席便覺雲烟有慘容

記得當年入影堂近前斟酒又燒香今朝只向庭中
拜禮交無由守故常

無分發

黃昏衆送贊身困便甘眠早起猶酸甚高吟已惘然
天寒微有雪日出闌干大最喜無招喚冥心欲坐禪

自註

此心圓不定動也任西東的
二荷傾露范二絮逐風
金流在爐底珠走亦盤中
祇得從容處私情是至公
韓柳巷騰身清竺潔以頻
上馬未免染眼不
敢直造聊呈拙作

竺心方獨坐染眼敢相于
我自難參席公應固閉關
順成道八蜡醉飽適三韓
祭罷當躬勞哦詩共對山

牧隱詩藁卷之二十

隱詩藁卷之二十一

驪興田

驪興田土荷 尹恩感愧殘年可盡言
處士竹松猶有徑先生芋栗豈無園
巧偷豪奪還遭聒靜坐沉思欲省煩
老境寬懷何處是五湖煙日滿乾坤

紀事

銀盃活火煮楓茶色味香全可卻邪
白髮衰翁多伎倆更精眸子洗昏花

紀聞

蘭鮑由來化自大聲詩家當日歎
螟蛉忠鳥能誨人臣

職莫道天心自吝吳

自訟

學術空疎氣未清語言然素意難明白頭汗面書筵
側一句何曾說得精

十二月初八日外姑之母判書尹公諱吉孫
之室金學士諱周鼎之女之忌旦也穉始贅
花原之門金氏猶無恙一年而歿其葬也穉
從衆子弟後亦執事焉實至正丙戌歲也當
是日邀乞食僧略設薦福齋錄成一首俾子
孫無忘焉

化平金氏是名家富貴功名永不磨作配榮原生婉
婉貽孫權室至多良田歲入吾猶飽忘席僧誰
敢訛強華此詩非好事古來荆棘沒銅駝

侍中不出不赴合坐所謁李密直仁敏李商
議子松皆不過入見王開城有客不入入東
亭飲田謁廣平侍中又飲微醉而歸

侍中不出地朝趨特訪三家置東菑只有東亭解醒
慶滿窓日色共傾甌
白髮微酣鬪上卿少年狂態一書生歸來自喜身無
事山野孤蹤值太平

木凡細細橋交加崖窻如膠味已多更把瓊饅隨意嚼絕勝湯飲蹄中和

亂道有全卷不淨書者已在舊篋中無從再覽忽於箱中得淨者數紙考其次第知其有漏網者果得之於是有感焉

按本膳菜尚有遺架空掃去儘多岐牧翁詩興逢場耳誰識循環正與奇

携酒訪庾權尚書於金判書宅度有詩以酌玉粧橋畔夜相過競賦金藤逸興多三十餘年如一夢更將故發狂歌

歸還

乘醉還家日欲昏紅塵綺陌馬蹄翻路人依舊終如織覆了前車後尚奔

合坐拜飲 宣賜酒

中官進酒拜傾卮 宣賜頻及鼎司豪傑滿堂心似棗老衰陪座髮如絲十年燈火有今日千載風雲當此時上馬歸來穿峴上三山迤邐更軒眉

晨興有感

七十 可退休尚憑精力享優潛只宜扶杖趁青嶺安用遠營擁碧油負絃燕京雲雨散卧碑蕭寺歲

手憇功臣終始由來少萬古光陰似水流

十二日 謹祀生辰宰樞進手帕別贈既罷

與權左使奉 教撰定府名日晚未上

生辰呈手帕立府備官臣內職由來重三韓自此新

紛披儒館冊結繹御厨珠白髮仍多病光榮出眾人

明日又吟

少日聰明記問多叩之流出似懸河自憐衰病心無力欲辨形聲字盡訛細嚼盤餐堆玉食再傾宮醕滌金波半酣身世真如夢願繼參斯標末歌

自傷

老矣可歸猶未歸自傷身世轉依一必稱堯舜陳言在欲學夷齊吾道非豈有朽衰堪重負由來罷利足危機腰駭不出南牕靜坐想驥江遠釣磯

乙巳門生來事不可獨飲邀同年願與君安

公鄰長韓簽書同席狀元尹紹宗醉呈詩

諸公皆見和明日讀之如夢中和成一首

羅緯錦幃擁虛堂玉笋成行各進觴更得二公來

座牧翁身世頓輝光

即事

宿醒未解欲扶頭日上南牕坐擁裘過眼紛紛春日

扶爭名求利幾時休
九重批目下中書署合方能入直廬况是欲行魚貫
選幾人疏足有新除
廡廟心公欲選人頓令和氣感天神已教飛雪消邪
毒肯使非才側搢紳

無名發

酒後身疲懶出門南牕两眼尚昏二強枯禿筆情初
放忽見新詩語頗温曲巷冷烟遮甲第斷崖殘雪似
山村祇令身世真堪樂恨殺還同鶴在軒
相得江南水遠門梅花半吐月黄昏雖然我國從前

冷共說今冬比舊温坐對送青山入户行看成碧柳
搖村終朝麾客真踈懶一炷清香滿小軒

有求官者戲題

欲墜懸崖路猶攀朽木枝可憐無所告相托欲何為
和靖梅花早淵明菊藥遲安心是良藥傲世且支離

即事

玄陵碑上欲生苔梗澁文詞愧不才何日四方傳墨
本釣臺高處望雲臺

赴廡廷秀東床讌

帽上瓊花映舞衫醉來豪氣更巖三病餘屢赴東床

謙自笑狂夫老更饒

妻弟判閣來寓弊止韓簽書公以酒食相勞

僕亦與坐微酣有作

謫宦天涯未回好從魚鳥共徘徊歸來舊識多黃

閣宗實幽居長綠苔不是我公誰迂勞只合諸子推

賢才從旁一飲尤蕭洒忽見珠璣滿紙堆

龍頭書至見種善所書大字一紙

小兒受學在龍頭老母相思不暫休把筆已知書大
字春風芹館好來游

朴尚真來云以病卧三月矣今日始出

同居城裏病逾時自愧恩門醉不知甚欲呼來堂下
語唯愁敗我欲圓詩

以折簡呈廣平侍中為妻弟判閣求官

判閣由來拜判書獨不符去卧村廬相君嗔咲皆天
意明日那知有羨除

二子設酒食

父母具存兄弟和一家位育樂云多願言四海皆如
此無是無非兩鬢皤

寧海金副使先之子系元來得三司兄書及
副使綿布之惠因成一首

外家寧海在天東遠表中情老更濃只愧病軀無氣
燭百無餘澤及同宗

無分發

酒困連朝懶出門老年胡不醉昏二明牕几坐冥鴻
去健筆頻揮渴驥奔素髮赤心憂社稷青天白日照
乾坤何當上表乞骸骨歸臥驪興江上村

君子

君子中夜興竟舞歌以廢申之文主操琴絃含古情
乾坤何蕩日月何明二庶不累方寸竢命順吾生
即事

對客虛堂風透衣江蘭地煖思依二撥開爐火寒
耳自笑束筆歸不歸

得學弟李友諒書及茶鍾一雙

得閱平安喜已多茶鍾照目便無邪雞籠山下人烟
少坐想長江浸月華

有棧三韓國大夫人洪氏索關單目者必誤
也不敢受

大夫人即照銀束索關無由托腐儒幹事奈何迷至
此曉牕紅日一胡盧

得金康書

花原外姓有金蕉僻處天涯北顧瞻老我無由得推
澤護將書札每開緘

昨赴柳判書席上蓋其子增輩設燕追悞其
見謫而歸也曉起吟得一首惠孫

榮辱紛々似夢間樽前今日試開顏諸公臺省聯群
玉累世衣冠照兩班歌扇塵飛明月曲舞衫風動綠
雲環病餘真氣吾猶甚痛飲不知腰脚頑

曲城府梅花必開矣未能進謁自責

臈月年々梅蕊開况今春色望前田曾中沿澤無從
洗湏向花前倒酒盃

天教梅蕊雪中開先遣陽和并仄回有脚春風曲城
府暗香疎影滿金盃

江南處々滿枝開小驛孤城踏雪回最恨松京近沙
塞雪深唯見馬蹄盃

王輪歌

王輪寺東斤斧聲王輪寺西香火清萬牛流汗竟何
功高出霄漢來清風如今苔蘚上堦澁松樹斷崖相
對立先王駐蹕有遺基當時侍坐知是誰光陰轉
燭吾病深改歲已六難為心仍舊如何々必改三年
無改明訓在王輪萬古御三韓峙如鼎重安如盤難

將木石散民間反激義膽摧忠肝王翰之歌聲欲裂
鵲嶺雲收掛明月

自詠

玄陵迢遞碧山阿當日詞臣漸不多半夜骨酸難自
在百年心苦欲如何春風已種垂門柳秋雨曾臺補
塵蘿穩是前朝餘澤耳有時衰淚滴悲歌
善思奔月逐纖阿祇恐青冥風露多漫與詩篇編不
盡相逢樽酒飲無何江間鬪勢誰孤石松上施容我
女蘿今古英雄皆寂寞援毫聊和白雲歌

紀事

獨坐吟詩興味清庭前入謁有門生廉廷秀也
近祚供他讀天淨虛堂月色明

述懷

少年京輦側簪紳占斷江山又幾春愁緒逐風飛絮
削詞華如刃發研新看雲變滅身無主對月婆娑影
亦久漸覺幽懷同蔗境塵埋羽扇與紛巾

驅儼行聞之敬書
上送史官

天地之動何冥冥有善有惡紛流形或為禎祥或祲
穰雜糅豈得人心寧辟除邪惡古有禮十又二神恒
赫靈國家大置屏障房歲二掌行清內庭黃門依子

菁相連掃去不祥如迅霆司平有府備巡警烈士成
林皆五丁忠義所敷代屏障畢陳恠詭趨群伶舞五
方鬼踊白澤吐出回祿吞青萍金天之精有古月或
黑或黃目青瑩其中老者偃而長衆共驚嗟南極星
江南賈客語侏離進退輕捷風由營新羅處容帶士
寶花枝壓頭香露零低回長袖舞太平醉臉爛赤猶
未醒黃犬踏雜龍爭珠璣二百獸如堯庭
君王端拱八角殿群臣侍立圍踈屏侍中稱觴上萬
歲幸我臣等逢千齡海東天子古樂府願繼一童傳
汗青病餘無力阻趨班破牕盡日風冷

終夜一篇喜春近也

終夜骨酸何忍言漸二頭痛雙眼昏老妻摩挲腕欲
脫小婢蹴踏心甚煩演福鐘鳴快無敵長明燈暗空
斷魂年來功夫只一味儻得氣順參天原流光袞
去不息又是數刻分寒暄傍花隨柳亦云近小車高
閣何其尊四支調適樂忘我成趣豈獨淵明園淵明
誰道恨枯槁高名萬古流乾坤

有感

先生未必是清流白髮蕭然獨倚樓晉相自尊寧仕
宋韓仇已報可封留赤松鬱二寒雲晚碧柳依二細

兩秋畢竟安心無寸地每從天際望歸舟

代李六宰茂方

春秋聖筆大書求鑄鼎當初貢九州漸見華風動
曠谷行教富媪產精鏗臘天雪落永生襪遼海雲低浪
入舟一片苦心誰得識白頭徒步許如流
萬里朝王涉海波一登西岸是中華眉間喜色生心
火掌上明珠作眼沙冀國蒼涼浮出日鍾山縹渺快
飛霞半途悵惘垂雙涕牛渚何年更泊槎

讀苦樂相倚曲

由來會合有乖離苦樂分明相倚依一夜新懽君日

幸半年佯熱妾何知凝塵漠漠同心結大地茫茫
翼飛莫把哀詞添樂府姮娥萬古髮垂絲

二月初九日使來開讀冊

太后詔頒降

主上太尉宣命仍賜鷹馬臣穉以病不獲與於舞
蹈之列俯伏吟成一首

冊禮東宮慈母儀加恩外國奠邦圻
鞶鷹媪爽神何逸錫馬權奇勢欲飛
累世寵光今更煥三公峻級古
素稀白頭多病臣衰甚色線無由補
弊衣
光若有感言志而已非詠歌也

峇冕金碧鎖烟霏
瀝血朝廷刻卧碑
姓字濫登群玉府
官銜真似百家衣
人言石室山陵固
誰識松風澗水悲
塵世浮漚猶是實
老夫今可乞身歸

用前韻

杏花將動雨霏霏
又濕先岩墮淚碑
客室朝飡煩尚食
僧牕夜宿借禪衣
文章梗澁終何用
歲月崢嶸祇自悲
殿上世尊如教語
不知端的可依歸

三月初一日陽坡先生忘旦忘之關助祭因

誌其過

連日紛二被事牽病餘心地轉冥然
恩門忘世猶忘

却甚矣吾衰又倍前
街柳嫩黃初得雨
嶺松疊翠欲浮天
陽坡宋寔唯蒼蘚
空使行人淚迸泉

有感

省堂出謝疾如神
拭目經年幕素塵
面笑老翁占位署
茫然不問是何人
使星光彩照扶蘇
塞外黃沙擁帝鄰
天意昭然人不識
白頭朝列似枯株

三月三日

風雨滿城春又深
胚胎紅綠已森森
行者顯錦迷人眼
敢把寒灰比我心
祖殿清香連梵宇
帝觴餘

灑洒儒林今年朋酒蒙神賜微醉態然試一吟

絕句

春雨濛濛小庭鶉黃柳又帶微青令人忽起蘭亭
興醉墨光芒射日星

夜雨

雨滴雞呼夢斷初忽驚心地頓清虛誰知楚漢紛爭
際自是唐虞指讓餘万丈風塵迷客路一區山海擁
吾廬由來出處關天數且賦新詩作草書

雨不止端坐書懷

檀衫昔日雨中馳白駸裝衣尚未披有意詞大還縮

坐無心咏物又新詩安貧家法何曾變道與天才不
足奇門巷沿深來往少強將心乃管安危

雨中有懷鄭園竺公權

我似忘機者公真避世翁老來宜數見人矣不相逢
門柳風搖綠庭花雨綻紅春光方欲盛吾道豈終窮

紀事

丞相歸鄉後巡軍訊獄初天官修關典朝士望新除
夜雨風聲急晨晴日色舒老翁方退食身世似蘧蔭
有感

北來南去自難停日二飛塵洒驛亭疑是東風惜離

別又吹官柳弄新青
可憐衰病老夫人欲向青郊望路塵王命豈容留一
刻鐵腸無處著酸辛

狂吟

我本靜者無紛紛動而不止風中雲我本通者無彼
此塞而不流井中水水子應物不迷於妍媸雲子無
心不局於合離自然上契天之心我又何為子後容
送光陰有錢沽酒不復疑有酒尋花何可違者花飲
酒散白髮好向東山弄風月

有懷東亭

處身双墨守知命一鼓陽與物將游藝尋春欲發狂
淺紅粧小杏明綠染垂楊忽憶東亭上遊蜂識酒香

自詠

臂酸腰痛曉來并瓦片新燒帖得平一刻亦長難忍
苦百年雖好視為輕詩書有味人將老天地無私物
自生青嶂白波江上路浩然歸興眼中明

有感

物生有脩短所托亦云殊丹穴誰凰鳳青松我媿姑
沉三開洞府蕩映天衢畢竟終安適三韓一腐儒
得谷州山芥鹽菜致謝

肉食由来鄙深甘首藉肥更添辛辣味口腹養何違
籬笋未出地澗芹將映靡牧翁方致事所欠是漁磯

賀柳開城拜密直

花原外姓鬧如雲齒與位高超出群入相鴻樞非太
晚更將華駿佐明君

賀安簽書新拜政堂長子拜密直

政堂雖則後於吾風彩又兼臺大夫况是三韓所希
有令郎同日拜鴻樞

偶題

平生唯二雜悠二攬鏡方知白盡頭貴賤雖然由趙

孟質文須要備殷周春風桃李媒狂興夜雨江山動
舊游縱有長繩能繫日不如飛步上蓬丘

朴昌齡歸觀寧海來告別

同巷情親憶乃翁見君長大動吾中吾頭白盡吾何
恨又是桃花欲綻紅

廉相菊坡以詩見贈

容儀大逼北庭官雜坐群胡欲辨難脫落江南輕薄
態獨呼風月入毫端

幾人白首困微官敵艷公家大小難進拜政堂應不
遠賀詩容我冠篇端

我今何故樂休官只為朝二合坐難又欲扶輦楓岳
去萬峰如雪照雲端

伏想南郊

親幸大獵臣稔吟成一首

大獵南郊禮肯訛而師清道散朝霞生風策轡徐還
疾蔽日旌旄整復斜聯獸麾禽無或逸斬鵬推鳳隴
徒誇白頭詞客空瞻跋夢澤茫二眼又花

有感

塵世悠二一夢中循環榮辱儘無窮人如逝水那能
止客與浮雲忽已空以酒為名還作累闔家待罪幸

論功抑然黃甚梨花自索冥材園春自濃

即事

邪正由來久乃明低昂未必得其平大臣去就關時
勢病客吟哦非世情風動春光方澹蕩日高才二下
澄清

難陶寫掃向華棧筆有聲

用書格奉簡清州牧使李士穎

消息無他事起居今若何因僧化經紙報我時庭柯
利欲如鋤草光陰似決河請君知右味聞是勿蹉跎
有感

浴罷咸池日已升扶持神聖是賢能誰知敝蓋將埋

狗我惜清城亦獻鷹如買高名金至斗將逃亂世酒
如瀉病餘伺候吾踈闊坐數功臣獨撫膺

禹平章致事家居久矣去冬始得封君予以
病餘復任政堂因過禹宅有詩曰北崖深處
禹平章新得分茅荷寵光入賀莫嗔遲太甚
我今依舊趁朝忙今已半年矣予又致事未
蒙爵命與公無異輒用前韻錄呈

樹林雖不至千章白二朱二照地光湯沐何憂奉朝
請一身還付作詩忙

腰懸紫綬與金童吐氣如虹頰有光到得老衰宜晦

養可憐古相七旬忙

平生韜略與文章功業俱添百代光要似汾陽保終
始莫將華髮更奔忙

梨花月

今夕何夕雲氣微脫巾露頂披草衣我堂虛兮本無
壁我門豁兮仍無扉我庭平直如掌中我行我志以
如飛梨花盛開月又照瓊瑰璀璨相發輝似雪非雪
眩我眼似波非波寒我肌蒼苔滿地布容影碧天無
際揚清輝我不是昌黎子玉皇家裏乘雲歸我不是
吳質氏不眠倚柱人應幾悚然收視斂精神安排句

法如珠璣厚生安得具四美賞心樂事多相違最憐
病骨殺風景蕭然就枕垂重幃

梨花下自詠

一樹梨花下風微景自繁飄空如雪落行地似流奔
何處對飲酒吾家空掩明身閑足幽味竟日坐忘言

對花木發詠

花木逢春次第開老翁乘興亦徘徊誰將晉竹連陶
柳自笑皮桃擬宋梅榴葉未抽方日照梨花欲落有
風來竄憐雪嶺孤松秀枉被盆中寸地栽

敬奴來

敬奴三舍也坐笑似相知扶立脈猶弱齋來顏甚怡
須臾啼索乳老病戲題詩他日仲孫輩讀之應脫履

梨花下又賦

中原寒食日爛熳欲蒸雲東國春多冷群花晚吐芬
鶯鷺飛可比蛺蝶舞難分幸此落尚少繞行忘夕曛

病不出數日笑邀上黨韓公登西峰賞花既
至又邀禮安君禹公同坐既而高携我輩至

其第設酌默藁一聯曰花開將爛熳我老豈

蕭條獻酬談笑未眠成篇酒有實客携酒過

兩巷分僮走報辭出馳歸又飲大醉頽然達

足定成一首賓客者版圖判書鄭達可判閣
李士渭前左尹金九容諫議李崇仁司成崔
彪及門生判事崔崇謹大護軍廉廷秀也
春色盈天地懽聲遍市朝花開將爛熳我老豈善
三酌方乘興群英又見招風流堪畫處鬢上素絲飄

自和

垂老安心曲高游謝聖朝月中閑對影苑下戲攀條
一刻難虛度千金豈易招烟波有白鳥何故獨飄
平生不可負月夕與花朝玉宇雲收葉庭梨雪壓條
幸哉同見訪未必苦相招秉燭當行樂難禁萬點飄

作書索茅將圖婢僕避露濕也方餘則益蓋

虛廳天止蔽日尤佳然未可必吟成一首
所愧為家長令人寢不安床二皆雨濕壁三豈泥乳
告訴恒盈耳哀憐欲裂肝作書方再拜又恐咲酸寒

自詠

身雖知自保居幸不求安作字如鴉濕觀書似蠹乾
猶迷睡在眼早悟血歸肝老矣夫何惠平生只一寒
早識善最樂老知貧可安風條吹後動日華照餘乾
世事如形影人情見肺肝今春又不去鷓鴣鳥已盟寒

君子

君子本不黨出處皆關天柰何勢所使令人心自煎
朝廷得罪又罰一將勅干非黨亦見擯誰能辨其然
書之示後來又恐不足傳努力守為天終身無少愆

即事

白頭奔走被人譏况此紅塵又染衣敢謝乾坤從我
欲黨無風月與誰歸關中今古同涵泳夢裏功名是
是非更喜行藏能自斷鷓鴣到處有枝依

寄吳同年棗臨

浮世功名一夢間落花庭院鳥聲聞人生所欠歸田
日口二高樓對碧山

閱案上朋友往還簡書得鄭同正圓齋所寄

三月三日紀夢詩始驗僕尚多忘失自愧之

餘和成一首錄呈圓座下幸恕遲慢之罪

北牖白日來清風高卧鼻息圓坐公城南碧柳搖晴
西閣吟氣得韓山翁韓山張也二堂二園坐曹溪水
已嘗有時同游慕蘇晉繡佛未必嗔金觴珠羞豈止
具難黍風雨對床終夜語我今頭白君亦老回首幾
年同應舉病餘眼青無幾人吾輩名粟陳相因形庭
還笏幸如願綠野盛集當重新

自詠

矮陋真同陳子昂誰知志氣却堂二級文每擬題黃
縮得句還如倒錦囊欲與神仙游洞府那堪宰相坐
岩廊登樓日日舒長嘯一駭青山隔故鄉
早歲青雲被激昂勸齊何必毀明堂名從周鼎能開
室宇與毛錐已處囊博士相從游壁水談僧每折向
風廊白頭今日投閒處欲轉洪均作醉鄉

西生尹谷州商發送僧廿草書曰辛丑草甚
有理因作一首致謝

信矣幸甚味知君察物精
葉長風不動悲嫩雨初晴岩疑吾將返紫芝應共三

前內願堂雲龜谷在白蓮社與普門社主將

重營黃岳山直指寺書報老人求緣化文

龜谷今居白蓮社驚盧昔在黃岳山普門韻釋欲讓
舊放隱老翁方接閑千里求文敢自外諸方仰風無
少間古來儒釋共游戲四海彌天誠可羨

韓上黨游柳浦別墅

柳浦方行樂藍輿欲往追波聲喧短夢山色入新詩
公每悠然去吾甚矣衰相從二難必清興有誰知
有感呈圓益

西周砂二思正風春秋乾溪書魯公獲麟拭淚宛如

昨感嘆小兒成老翁年製之下杜草堂徒步艱險曾
備嘗再拜鶴詩痛入髓淡哉無味彼玉觴端如周人
詠離黍况又世降成國語陽之君子尤可怜隱於冷
官難自舉我今自處視何人幸矣可以宗其因三韓
君子仁壽國邦命日與民俱新

又吟

醉鄉天地多海風欲向壑谷尋吾公外天癡海有樂
土欲聞一語談天翁手扶天章游玉堂婢顏奴膝吾
何嘗歸來東國荷異寵猶醺上帝紫霞觴澗谷之竹
上黨黍講明如與大師語 玄陵躬課今幾梁湖龍

已空中舉雖然自擬未忘入死生有命皆前因身閑
政欲就公飲世事春風吹更新

又賦

冬初直至吹東風退食委地方自公一朝還笏自閑
適造物必也憐衰翁甘心養拙綠野堂有味鼎齋如
初筍有花如錦照我席有酒如波盈我觴有田種桑
又種黍時與老農同笑語江湖鷗鷺盟欲尋庭除鳥
雀色斯舉自謂義皇上世人何曾按劍殊無因樂天
天命且游豫浩然氣化方新二

寄東亭

春深門巷少經過桃李花隄落又多記得去年高上
坐一簾疎雨酒生波
少年狂甚數相過老境端居樂自多要把此心如古
井逆來人世只風波
金剛野衲或來過細認山中勝迹多又報東亭令欲
去日輪浴處望鯨波

畫坐

畫坐茅簷靜閑吟入妙玄飛 應送酒芳草欲侵庭
捨瑟思曾點分圭愧魯連高風不可及千載必有賢

印事

幽居野興老弥清怡得新詩眼瓜生瓜定餘花猶白
落雲移少雨未全晴墻頭粉蝶別枝去屋角錦鴉深
樹鳴齋物逍遙非我事鏡中形色甚分明

有感

聖門心學肯虛傳主一功夫似坐禪一三三明二非是
極昏二默二亦云偏蜂屯蟻聚如無地魚躍鸞飛自
有天取捨由來視諸掌奈何私教苦纏綿

用圓竺韻

蠅廬甲第皆春風白駸由來祿至公栽松何必咲鄰
老矣馬還頌徵塞翁槐陰滿地三槐堂令人笑殺齊

孟嘗狡兔三穴何足貴王氏之盛滋濫觴馨香誰分
德與祿聒可言之并語之為善家樂復何疑有過復
從朋友舉聖謨明之覺我人後生須要憑前因圓益
所得非淺之如有用我邦命新

圓益又

催釀載醪茅語起予者也

詩魔酒顛真病風往之逢人呼六公霞樓雲臥以傲
世落之翼儲祿彼翁狂者猶昔難同堂我欲異味皆
兼嘗老矣衰矣志不遂時從靖節須盡觴有田種秫
肯種黍西疇農夫來致語孤松可撫無已時倦鳥知
還更輕舉山河歷之思主之近世獨肯容城因我今

痛飲欲醉死鏡中白髮年之新

感春

花今衰未問來人恐是城中別有春步上東山還大
笑東君何處著嫌親

侯家花木欲藏入第一林亭爛漫春窮巷蕭條來往
少野禽山鳥每相親

桃李無言惱殺人惜春何故欲留春流連光景是吾
戒努力事天如事親

又吟

玄陵癸巳吹薰風黃金榜上初逢公陽坡先生是亞

相巍然文茵陪櫟翁公今齋院我政堂二公嘉惠
何嘗病餘愧恨我為最未向墳前澆一觴年二端午
吹角黍祭祀古賢間俗語城南松低手可捫城北水
環趾堪舉偕行今已無幾人更一二歲行無因公頃
憐我吐肺肝我恐白頭難免新

復作一篇亦直情也 戲言也

長松之下必有風西原之鄭宜蒲公之賢孫魏雪
谷雪谷有子超九翁四子又跨中和堂一玄陵御榻
頻先嘗老魚在前公在後再拜連頓親賜觴旁探黃
鐘議和黍天部琵琶兒女語深歲袖中書國手高興

直與飛雲舉我今多病思越人公不我救知何因應
嗔狀元多詭異我已悔過方自新

奉謝李道村送黑豆種

黑豆遍中原何從出道村煎湯解毒政可倒金樽
芳草欲侵輟落花方掩門小畦秋必熟儻或枉高軒

自叙錄呈圓齋

我少北游慕華風上謁國老文章公可聞緒論歆德
容座主圭竽如醉翁上牋謝恩中書堂高擢東人所
未嘗非才傲倖汗洽背不敢出飲思榮觴吾家力丑
多糝黍奢靡何曾同日語歸來又遇 先生知冬烘

幾度知貢舉位雖高矣咲於人欲退未退將誰因幸
今如馬脫街策閑東逸興朝三新

又賦

圓魚岸然儒者風早透太極師元公文章餘事又奇
崛詩語自變如涪翁兩俱入室非升堂厭飲梁肉非
暫嘗有時看山岸紗幘有時醉月飛羽觴婢蚕奴耕
種與黍靜坐不與家人語開門只許高軒過投轄不
厭芳樽舉交游如我更何人深契或是前生因吟風
美月莫自苦不見畫堂蛛網新

即事

紛二滌辱幾番新陌上輪蹄欲漲塵未必他年無具
眼只憐今日要全身而催芳草遙連巷風送飛花亂
洒茵春色 描不盡但將詩句可傳神

自戲

群花爛熳雨連風用意誰敢稽天公諸公富貴盛必
衰賦命我欲咨星翁乾坤幾箇偃月堂能踏鼎中染
指嘗人情之險占來甚我且快倒浮蛆觴醉鄉不耕
無糶黍軟飽嬉游多笑語一死生兮解外膠宛若碧
天鴻鵠舉千金勿傳非其人何所禱兮何所因悠々
今古如轉燭一曲狂歌音調新

戲圓全

圓全洒落玉樹風賦詩往々尋已公心開漸得師繁
可乘興欲訪瞿曇翁笑指西方祕樂堂妙花供養吾
所嘗吾今政是僧揭諦一畝何妨仍一觴夢見救翁
便為黍寫出全篇真實語救翁習氣在酬唱足鹽平
頭難更舉吾聞無佛亦無人三世一夢名淨因舉公
公業更辨感除情相見咲還新

圓全所唱風字韻七言古詩和至十三首圓
全之作又多末篇有我師老行成之語僕曰
可以止矣近乎爭美讓君子道也於是吟得

絕句

詞鋒競起筆生風好勝由來廢至公月向受降城下
白真如略地兩隅空

即事

畫茅乘屋午天陰白髮衰翁樂在心微雨疎々滿窮
巷斜陽淡々照高林居閑筆墨工夫熟興逸江山氣
味深容膝蓋頭誰所庇明々上帝似親臨

偶吟

牧翁孤嘯處情境絕纖埃送酒簷花舞催詩野雨來
里門青映柳巷轍碧凝苔誰識心中地烟波遠釣臺

牧翁前數日滿面撲黃埃最喜屏居好剝教清興集
鳥啼巖碧樹花落點蒼苔只恨觴賓處杯盤欠肉臺
牧翁長抱病天地暗塵埃野鹿何曾入林鷺又欲來
庭花丹似錦井水綠於苔幽興平生足如登光子臺

圓益讚用前韻

留侯素有神仙風油然跪履黃石公指揮韓彭如小
兒尺書奔走商山翁回頭大漢開明堂歸來手把松
栢嘗懸崖秀色映蕙帳幽澗寒香浮菊觴非將周粟
比我黍鳥豸由來難與語蕭何相 獄諸子豈
能無過舉圓益真同羨婦人留侯讓公知宿因公讓

留侯道引術方勤吐故仍納新

或問先生作圓益讚略不以圓之美上取

留侯事何也予曰夫子贊易多以先賢象

其事故程子註易引古人實之者又多予

公程而求孔者也圓者智之事也後世之

智惟留侯足以當之故引留侯以實圓之

理或者唯而逃

懶殘子携雀拙翁選東人詩質問所疑稽春

其志學也不衰吟成一首

教海禪林萬卷書旁通李杜與韓蘇更從雜國文章

始欲究視山紀纂餘用事紆情多典雅模形鍊句少
荒虛浮屠善幻真閑暇每把遺編顧草廬

門前有一株柳日繫馬傷其皮虫又入其腹
久矣春來與他柳無少異黃嫩綠搖甚可愛
一日有風不甚狂輒觸之便仆予始知傷之
甚矣又不能知不必保護故致如此因念去
歲風拔其根而幹不傷故植之如前蓋其全
体完而培之又密故也今日之風非有暴於
前日也而柳之厄滋甚是雖一物有其數在
焉種其枝凡六七若其生則一柳分作六之

矣譬之人一身而子孫多身雖亡其存者益
多更數世則不知其出於何人矣此族譜之
不可闕也略書數句以志之

城南孤柳里之名柳樹無數連蒼楹吾家門前只一
株春風嬌舞腰肢輕黃鸝飛來止其上愛破南窓時
一聲去年風拔大可駭傷不甚故延其生今年馬
虫入腹内外交攻叢衆毒皮之僅存氣乃行雨露
露黃更綠如人外實內先虛一病來侵隨不祿枝
可種地且肥或榮或枯誰所司置之不顧縱其性
是令季強富有時他年成行蔭門戶更想靖節吟吾語

前用留侯事譜圖五又用范蠡事自讚

何人千載揚高風以牧教富朱陶公初持韜略事越
主端如八十滋東翁高樓會稽山之堂懸膽於明出
入嘗吳王方酣擁歌舞日落月墮連飛觴一朝吳田
種越未換得玉旄花解語相携飄然向五湖渺二有
似飛鴻舉不留大物更累人去壁酷似毅周因我今
無功又云去欲畜五特春草新

僕既承讚公示自嘲之作不吝默之又用其

韻其題曰疾自嘲

江關昔子無英風汝心未識私乎公或時出語多為

名舉止絕類田舍翁作詩依然村學堂羊酪是弃螺
蛤管好酒寧憂病復作欲捲海波來注觴恒將舒散
自比秦又似風玲獨自語達人握手如平生傾倒肺
肝身欲舉背面一笑是人只應前世無好因圓參
功夫已且眼餘澤浴我令圖新

近承佳作唱和多矣皆浮言戲語不可示人

後二篇志於功名自傷之甚也嗟夫士生於

世功名而已乎直述所懷為圓參誦之

早年遠歆洙泗風發軔便從國公淨穢初分螺髻
王神仙亦有鹿皮翁絕之不使登我堂我道有味非

徒嘗我有瓊飡滿我案我有美酒崇我觴如酒用林
不用黍二氏豈可六相語原道本論有兩據韓歐以
來誰再鑿濂溪夫子是異人描出太極元無因義揮
益多益不效何時淨洗乾坤新

青陽李三堂見訪既去南陽洪亞相又來病
僕豈然是喜况於高軒乎錄之以為閑居盛事
執政憐吾病且衰何曾奪我鳳凰池一朝併得高軒
過百歲難圖晚景宜花蘂蜂鬚風細芹泥燕嘴口
邊相君若問閑中味費却精神只是詩

前篇意在興吾道天也不可必也至於詩家

亦有正宗故以少陵終焉幸無忽

詩章權輿舜南風史法蘊括太史公以詩為史繼三
百一拜杜鵑少陵翁遺芳賸馥大雅堂如聞異味不
得嘗如知其味欲取譬言青天白眼宗之觴律呂之生
始於黍舍黍議律皆虛語食芹而美是野老盛饌那
知主一舉為詩必也學斯人地位懸喘山難因圓在
肯我一句語只學少陵無取新

圓也又以風字韻詩按僕其序曰詩酒敵也
公以詩誨僕不敢不對之以酒予曰酒吾所
嗜也雖欲閣吾筆如以手障黃河其勢不可

止順其流而導之而已於是又作一篇

我所思兮上古朴略風誰其引之儀狄公風之衰兮
禮法起禮繁俗乳媪婦翁不如天地是庭堂衢樽之
設為禘嘗歌風舞月縵後祿一日頽頽二百觴區
功名如累黍不有陶劉誰共語可憐秋夕賓初筵立
監佐史書謬舉忘形任性真廢人况彼果之并因
是為醉鄉兮即吾土胡不歸兮白髮新

春晚

春晚南城遍綠蕪寂寞庭宇鳥相呼天陰欲雨連山
暗花落猶風掃地無寸膽幾年揮筆孔乞身何日向

江湖古來憂能輕世自笑區區一腐儒

柳密直獻壽高堂僕承詔以病不赴

柳氏蟬聯是世臣中衰猶得逢賢紳登科早歲攀丹
桂拜相今朝近紫宸錦瑟歌聲應駐日萱堂喜氣欲
浮春蒙小雨非無意洒向門庭絕點塵

小雨

細雨濛濛暗小村餘花點點落空園閑居剩得悠然
興有客開門去閉門

長袖輕裾細細風管絃聲動畫堂中先生不墮花前
飲小雨催詩興自濃

一犁微雨滿蓑衣人自杏花村外歸莫恨力田供國
用古來芻豢一身肥

圓坐示酒頌僕略述吾輩出處歸飲中

崇文館中時未艾白袍敢多於蚤庸夫與我皆紫
衫圓坐濁也稱披藍萍水相逢無機緘如鏡照鏡光
相涵前朝政堂我先占今上書筵同榜三雖然先後
不相兼俱承睿暱心亦甘明二白日照朱簾細旃之
上橫經談二終賜酒氣味嚴再拜趨出成微酣時艱
節鉞膺具瞻經籍道息誰更探吾道非矣六日蟾幸
我俱已抽朝簪圓坐酷愛黍之粘邀我醉鄉同往參

於中契合水投鹽每屢我酌從吾酌是為上策公幸
拈火輪萬古無停驟

天晴

天晴嫩綠遍園林衆鳥飛鳴送好音病鶴獨誇獲得
輕白雲飛處碧松陰

有感

宋家藩遷號建安如唐中葉尋魚蚕箇坐老人一布
衫劍南山水青於藍吟詩畏甚更深緘萬丈潭辰明
珠涵我今放膽皆口占國風變矣嘆息三文章節鉞
古難兼權攢獨也苦甘丹讀試卷近宮簾如我罷

蔡難容諶幾年職親地又嚴回思往事如夢酣鼎湖
天遠誰能瞻蒼梧烟暗誰能探青冥依舊掛銀蟾三
山真箇金龜著當時撰表或違粘尚尔鮮命容吾象
水八相煎竟成鹽麴孽不變誠可醜 玄陵昊天安
可拈涕豈無從空脫駮

奉寄大姨夫閔判事

山崖江岸兩參差麋鹿魚蝦各得宜只喜相從今可
心鏡湖恩賜已多時

呈圓竺

北方迤寒西蒸炎天教羊馬分畔蚤山原禮儀重祭

衫萬鍾降殺終緋藍懽恩粲文如開緘惘然流水青
蘋涵奈何二氏競相占九轉妙術前三三圓竺於糴
久已兼食蜜自道中邊甘耳聞擊竹追香嚴超出萬
壑蓮鐘酣坐對南山長捲蘆掃去腐儒之常談能詩
又遍蘇子瞻東林寮處尤深探鄙彼仙游白玉蟾霞
冠背向吾頭著我今飛絮渥上粘歌呼不復兩曹參
西施之側一無鹽淡泊有味平生醜每和公厭禿筆
拈狂欲奔月飛鸞駮

得鄭驟同年書賀僕重拜政堂其街三司右
尹也喜其高而嘆其不知吾之已還易也以

絕句代書

開緘宛似見同年
右尹官衙却勝前
遠賀政堂還可
嘆我今還笏興悠然

送江陵盧使君承慶

使君化年文章家長身
紫麟氣自華外氏與我連
青
李君已老大吾何嗟
吾今病餘發狂興欲上傳
望銀河
槎東登楓岳瞰大海
下游葉國馳鳴沙
國島千層
數鐵網丹花六字
捫巖花僧房絕景且休問
客舍奇
觀皆可誇天教吾子主東道
我未去時先下車馬
葛
女飯為云給樽酒
且肉當無奢行殿有數
敗自必東

望出日天之涯

送咸昌太守

清香亭上賞蓮花
綠酒生波日欲斜
莫嘆牧公羽雖盈
事未成歸計鬢先華

自詠

綿折泣寒金流炎火有鼠子
冰有蠶蒼松化墨鳥
衫青之青者起澱藍
物理粲然如露緘
動則紛繁
則酒吉凶朕兆不待占
何項掛一以象三
由來四美
難盡兼獨立獨嘯
吾心甘清風時來動
踈簾有興題
詩照筆談沉思自然格律嚴
元輕白俗非所耐
雲烟

變化可自瞻天地高深如手探旁論靈山燕與蟾
馬聲中頻盡簪圓金骨著更皮粘佳屢每似禪家參
上進殿鼎調梅盞詩中有味公方醜頂門一針誰更
拈由来雅俗難同駮

又用前韻

寒門冷語寧趨炎老境已似三眠蚕江州琵琶淚濕
衫牡丹詩句開名藍欲言痛甚口須緘幸不此中曾
泳涵憶初中原風角占倡亂郡國分為三我時東歸
吏隱兼氣味真如飲而甘對客一酒風雨蕭依然王
猛捫虱諒不獨義一仍雖嚴聞者決冷如沉酣方今

烏屋政爭瞻有物誰同囊裏探可憐月底兔與蟾皎
潔桂花那得簪虛名無用兩相粘許靖之流誰放參
我慕尊羹未下盃金盤羊酪何曾醜詩場豪奪真白
拈風月相隨如兩駮

開寧送月堂李大老以毛施木鞭見贈以詩

致謝

新鞭不盈尺遠贈荷勤藻直幹天生後奇紋一巧餘
風聲兼細二月影雜徐二更想孤吟處高標倒跨驢
風雨有感

雷鳴風動初驚人天街馬馳車轉二須臾細雨洒樓

閣綠陰黃鳥連芳鄰花開如海豈不好石火過眼難
藏春千林嫩綠快遊眺更無俗物令人嗔長篇短篇
信手掃收拾光景通精神四月清和亦云正落花向
日年二新

柳巷樓上

病餘萬事不如閑又見東君卷旆還幸是此樓高百
尺絕勝扶醉強登山
封君食祿儘清閑身世如今付八還莫笑牧翁居寂
僻小樓猶得對龍山
十日驅馳一日閑每憐冠帶趁朝還如今置散身無

事好訪關東海上山

圓坐少年按行關東奇觀絕景拾之無遺
而其文疎蕩有神仙之風浮屠之氣皆閑東
之助也今讀來詩有從僕游視之意蓋其愛
之也深故發之於詠歌耳又作一篇趣其行
火之灼叙始矣、繼延不絕抽於蚤冬而孤格夏置
衫緇素之變紛朱藍啟心一發不再緘辭物墜水郡
辭涵圓坐宿疾斷可占如影逐月能成三少年按節
監倉蕙細分妍醜知酸甘山屏石床并水簾有客則
飲逢僧談地仙洞府何深巖海若風日何清酣上則

鶴背天可瞻下則龍頷珠可探何須奔月更騎蟾碧
草可藉花可簪脫去世間膠漆粘汝涯羨門當共參
蓮書鞭朴直米鹽當時逸興今猶醜重游一句公幸
粘時不可失飛云駢

監進色來請至則李三宰權商議又來有議
文字以酒相獻酬僕以病雖屢辭亦醉歸而
有作

病裏求閑已称心何論城市與山林誰能草創乃修
歸我自顛狂只詠吟 餘花含淑氣淡烟斜日美
微陰歸來 猶醺骨靜坐焚香獨敲琴

偶題

政堂今日開如雲重大匡階獨出群頌館右文尤表
表 玄陵碑上照斜曛

玄陵碑卧欲生苔留得三行亦強我刻字欲完還舊
爵牧翁長嘯可歸來

病餘行上付蒼天知足封留憶古賢去在觀乎東海
上我生唯欠賞山川

即事

忽聞春盡強登山此老風流溢兩間誰識牧童今日
興高樓百尺壓塵寰典衣沽酒精神暢岸幘臨風氣

像閑况有主人馳鄭驛敢辭泥醉夜深還

正夫朴先生至自密城同里二黨韓先生具酒食勞之予亦新寓里中者也略以菲禮奉席既醉吟呈

同里情懷熟斯文骨肉親已知思理世况是欲殘春案上盤飧疊樽中酒味醇從誰辨心迹入境絕纖塵

登松山見老松有感

稚松滿松山老松猶若干臨崖生得穩近人攀却難具形沐雨露稟性輕炎寒知命尚求福對之羞滿顏


坐寐


夢裏飄然海上游崔嵬雪色萬峰頭水響如喧

咲甚矣先生不自由

一榻清風睡破初瞠然依舊臥吾廬夢中嘲咲猶盈耳俗狀塵容儘有餘

夢也非邪且勿論由來妄境即真源綠陰黃鳥軒窓靜宛似維摩不二門





Vertical text on the left side of the table, possibly a title or column header.

Vertical text on the right side of the table, possibly a title or column header.

